



Kat. Komp.

14216

III

Mag. St. De.

P

*Celejowin Mathiae Pauli: Laurus Delphicus sinistro
sidere in feratam cypressum versa.*

PANEG. et VITAE

Polon. Fol.

Nr. 258

L A V R V S
D E L P H I C A,

Sinistro Sidere
IN FERALEM CVPRESSVM
V E R S A;

In dolendo funere

CLARISSIMI olim ET EXCELLENTISSIMI DOMINI,

D. M. MARTINI
FIDETOWICZ,

Philosophiæ, Doctoris & Professoris, Collegæ
Minoris, Ordinarij Poëseos Professoris, S. R. M. Secretarij, &c.

Dum suum Laureatum Caput,

crudeli Parcarum ferro prostratum

In Augusta Divæ ANNÆ Basilica, ad Sacrum Divinissimi PATRIARCHÆ

IOANNIS CANTII
MONUMENTVM, 14216m

moesto frequentissimorum Almæ Vniversitatis
Ordinum

& Hospitum dolore tumularetur,
dolentis & amicæ pennæ lacrymis

M. MATHIÆ PAULI CELEIOWICZ,

*In Alma Vniversitate Studij Generalis Cracoviensis Philosophiæ Doctoris, in Colle-
gio Nowożmorskiano Dialectices Professoris, Cantubernij Siskniani Senioris,
Sacra Regiæ Majestatis Secretarij.*

I R R I G A T A.

Anno Domini 1701. Die verò 6 Maij.



C R A C O V I Æ.

Typis NICOLAI ALEXANDRI SCHEDEL S. R. M. Ordinarij Typographi.

LAURUS IN FERALEM CVPRESSVM VERSA.

Immensus Libitinæ sævientis furor,
ita usq; obice nullo rebus in humanis perniciosus est;
ut, ad summum se se attollens,
ornatos hederis pallentibus, & virgine Lauro nitentes vertices prosternat.
Furit turbulento gressu,
imò grassando illabitur in Sacras Scientiarum porticus;
et quò, vix sese tacito pede Heliconia Cohors interre confidit,
illa rapax, & animarum prædatrix nobilium, irruens;
quidquid in Orbis delictum & stuporem fulgentior eduxit Phœbus,
profanat & prosternit.
Laxat spargitq; turgentes illas Laureis virentibus comas,
è quibus, solidæ fructus Sapientiæ, dulce & ambrosium Divini nectaris modulamen,
& pullulare, & promanare queant.

Rem in plano linquit ;

*odium inter fata & Sapientes perpetuum esse.
Triumpantur illa & virorum immortalibus scriptis,
ipsa quoq; immortales Eos triumphant;
sed post suæ ibidinem iræ, immortales efficiunt.*

Dedere Theophrastis atq; Homeris iquallentes urnas,
ut ossa, non animas æternæ capaces immortalitatis arctarent.
Sophocli, Stagyritæ atq; Platoni, extremum immisere diem,
sed somno nisi sepultos, perenni memoriâ Superis æquârunt.
*Intereunt, in quos, inter projectas curas, mors vel invita impingit,
vivunt perpetuam vitam, qui cum vita, laboris finem fecere.*

Eum sibi certè virtutum prodroma Laurus
cælis collatum gloriatur honorem,
nec manu Parcarum frangi, aut profanari;
nec dejectis cœlo fulminibus concuti.
Vibrârunt immane robur, & crudelem torsere potentiam suam
in Te,

Clarissime olim, & Excellentissime Domine,

D. M. MARTINE FIDETOWICZ,

Philosophiæ Doctor, & Professor, Collega Minor, &c.
ut, dum benigniores Zephyri genitricem arborum terram dulci afflatu excitando,
virentes comas relaxant,

Tibi istam eruditæ frontis gloriam rumperent, an raperent.
Sed Tu immanium livori portentorum in victimam & triste holocaustum mactari
indignum ratus,
illa in Vrbe, in qua se Celsissimorum Craciados ANTISTITVM
Præfuleæ Vittæ ad primam aptant explicantq; lucem,
vitalem auspicatus auram;
contra vim acerbam fati, armari,
perennè vivere, nunquam mori, assevesti.

Calcar Tibi bene merentium gloria & stimulus ad virtutem fuit.
Latens in juvenia magni ingenij lumen in abdito recondere nolens,
in cellam Divi IAGELONIS Regiam tulisti,

ut olim lucida ingeniorum Pharos conspicerere.

*Ita certè: felites animas virtus à cunis exambit,
ut maturum seris in annis fructum producant.*

Insidet mascula pectora pusionum,

ut viri, Doctores exedras insidentes, lumen gloria inextinctum effundant.

Neq; in Tuo generoso pectore aliam invenerat stationem,
quàm, quæ in augustum amplissimæ famæ triclinium, esset transitura.

Nimirum: ut tantum fronte primam Lauream tulisti,
protinus, pro multis Divinissimorum Urbis Craciæ Patronorum Rostris, Tullius;

in strepentibus Philosophantium Exedris, Plato;

nobilissimæ Sarmatarum Indolis mansuetus Chiron,

ita Patrum Senatûs Academici Conscriptorum oculos

in Te, Tuamq; virtutem vertisti,

ut Nascentib⁹ Neo-Corczyni Musis nutriendis educandisq; fueris delegatus.

Nitentes equidem Phœbi radios celsior astris virtus Tua imitata,
una terræ parte luxisse non satis habuit,

ni remotius quoq; niteret.

Sed Te, angustiis illis, succrescens altior Laurus evocavit,

ut sudata anxios inter labores tempora revinxisset.

Redieras à novo Camœnarum climate, tam pallescens;

quàm Luna nimbi prænuntia copiosi:

ut certius cuiq; in Te oculos vibranti constaret,

Te ad integros Lunæ circuitus voluminibus impalluisse.

Non sterile certè Scientiarum Caput Tuum, exambivit Laurus,
magnam utiq; proceritatem habitura.

Doctoralibus namq; Laureis insignitus, nil non Doctore dignum fecisti,
ingenioso calamo, & Cecropio cothurno,

tot virorum Illustrium dolentissima funera deplorando.

Neq; tantum blanda Tua canna dolentibus maduit lacrymis,

sed heroicas quoq; Virorum laudes & immortalia facta
præconijs ad Superos tollens, dulce Musis texuit an miscuit otium.

Non ex vano:

Tripes Ille Sarmatiæ Aureus, & Oraculum Delphicum,
è cujus sinu, Sacra Themis, suam suspenderat Bilancem;
memorandus pro bono Patriæ Zelotes, verusq; Illius Defensor,

Illustris olim & Magnus Dominus,

D. STANISLAUS in Mœcina KRZESZ

Iudex Becensis, Enifer Brastaviensis.

Magnarum Tuarum Virtutum Interpres & Censor,

ita Te unice complexus erat;

ut geminum Illustris suæ Prosapiæ tenellum Germen,

Lucida Tyndaridæ signa, Expectatissima Sarmatiæ Lumina;

Magnificos: STANISLAVM ET FRANCISCVM

Professoralibus Tuis Vigilijs spectandos & dirigendos commiserit.

Si molestos prementesq; Tuos in Novodvorsciano Lycæo præteream labores,

Litavus Lechiensisq; Orbis, & remotum Belgium,

Tuæ Germinibus Scientiæ,

Sago, Togâ, Prudentiâ & Consiliô conspicuis, profitebitur,
se se exantlatis Tuis laboribus hac singulari claritudine lætari.

Nempe: Tu ipse gradatim ad summum laborem ascendens,

Univerfos in summo locare desudabas.

Ita demum: tantarum congestu virtutum optabili,
Honores, quos aliena ambitio velut umbram præ se fugientem voto captabat inani,
Tu modesto de Te sensu contemnens, velut Tui sequacem umbram traxisti.

Namq;: Vnus Ille inter Miracula, Plinius Tacitosq; post se habens,

Lechicæ Decus unicum Suadæ

Perillustis & Reverendissimus Dominus,

D. M. MARTINVS WINKLER,

Lechicarum Gloria Athanarum æviterna;

ita in Tui incubuerat singularem amorem,

ut Regimini Tuo, suæ commissum curæ Contubernium Hierosolymitanum
concredendum ab Almæ Matris Ordinibus expetiverit,

Te expetiturum imo pectore condiderit.

Eam Tibi obventuram sortem felicitatemq;, certò constabat,

quia, *Magnifici Perillustis, & Reverendissimi Domini,*

D. M. MATHIÆ PSOIECKI,

S. Th. & V. I. Doctōris & Professoris, Ecclesiarum, Cathedralis Cracovien-
sis Canonici, Collegiatarum, SS. Omnium Cracoviensis Præpositi, Opatoviensis
Decani, Curati in Orick, Contubernij Iagieloniani Provisoris S. R. M. S.

singulari benevolentia, & protectione Paterna gauderes.

Tantis Te stipatum affectibus, peculiaris quoq; favor & Gratia,

Perillustis, Clarissimi & Admodum Reverendi Domini,

D. M. PETRI PRACZLEWIC,

S. Th: Doctōris & Professoris, Ecclesiarum Collegiatarum, Pilecensis & S.
Floriani ad Cracoviam Decani, Contubernij Hierosolymitani Provisoris &c.

ad quem Rectoralis Majestas munere Superum devoluta, perpetuò fovit.

Tam generoso tramite, sentibus & spinis laborum circumsepto procedens,
in hac usq; Sacrata Divinioribus animis Domo constitisti,

è qua hodie, à dulcibus,

Clarissimorum, Admodum Rñdorum, & Excellentissimorum DD.

Virorum amplexibus,

cum amarò cordolio raperis, an efferris.

Comitantur Te plangentes Mulæ,

Præficarum modò funerea taxo densatæ;

Sacer Apollo sublimè sibi cecidisse decus tacente chely indicans,

tristem Tuum sarcophagum frondibus cupressi intexit.

Nos Univerfi,

quibus, vel prostrata Tua submissio, vel pacificus amor, vel mās veta comitas

derelicta pectora miscet;

istud funebrali urnæ Tuæ luctuoso susurro insinuamus:

ut, qui, tristi offensione exagitatus, plaudente pectore superstes exprimebas:

VIVIT DOMINVS;

in tristi monumento depositus

VIVAS CVM DOMINO

IN ÆTERNVM.

Biblioteka Jagiellońska



stdr0024077

